



CONCELLOS

BARREIROS

Anuncio

Por Acordo Plenario de data de 26 de xullo de 2016, aprobouse definitivamente a **modificación da Ordenanza reguladora do Imposto sobre Bens Inmobilés**, polo que, de conformidade co artigo 70.2 da Lei 7/85, de 2 de abril, Reguladora das Bases de Réxime Local, procedese á publicación do texto íntegro para a súa entrada en vigor:

“ORDENANZA FISCAL DO IMPOSTO SOBRE BENS INMOBLES

Artigo primeiro.-

O Concello de Barreiros de conformidade co disposto no Real Decreto Lexislativo 2/2004 de 5 de marzo, polo que se aproba o Texto Refundido da Lei Reguladora das Facendas Locais, fai uso da facultade que lle confire a mesma en orde á fixación dos elementos necesarios para a determinación das cotas tributarias do Imposto sobre Bens Inmobilés rexéndose a súa exacción polo disposto na presente Ordenanza Fiscal

Artigo segundo.- Tipo de gravame.

1.- O tipo de gravame do Imposto sobre Bens Inmobilés, aplicable ós bens de natureza urbana será de 0,8 por 100.

2.- O tipo de gravame do Imposto sobre Bens Inmobilés, aplicable ós bens de natureza rústica será de 0,6 por 100.

3.- O tipo de gravame do Imposto sobre Bens Inmobilés, aplicable ós bens de características especiais será de 1,3 por 100.

Artigo terceiro.- Exencións.

1.- Por razóns de economía e eficiencia na xestión recadatoria do tributo, quedarán exentos da tributación do imposto os recibos e liquidacións correspondentes a bens inmobles:

a) URBANOS: nos que a súa cota líquida sexa inferior a SEIS euros.

b) RÚSTICOS: no caso de que, para cada suxeito pasivo, a cota líquida correspondente á totalidade dos bens rústicos posuídos no termo municipal sexa inferior a SEIS euros.

2.- Quedarán exentos do pago deste imposto os bens inmobles destinados a centros sanitarios de titularidade pública, sempre que estean directamente afectados ao cumprimento dos fins específicos dos referidos centros.

Artigo cuarto.- Bonificacións.

Gozarán dunha bonificación do 95 por cento da cuota integra do imposto, aqueles inmobles nos que estean ubicadas únicamente construcións nas que se desenvolvan total e exclusivamente actividades agrarias ou gandeiras pertencentes ó sector primario, que sexan declaradas de especial interese ou utilidade municipal por concurrir circunstancias sociais, culturais, histórico-artísticas ou de fomento do emprego, que xustifiquen tal declaración, así como as construcións destinadas únicamente a actividades agrarias ou gandeiras.

No suposto de que nun mesmo inmoble existan, ademais das construcións indicadas no párrafo anterior, outras construcións destinadas a un uso distinto das actividades agrarias ou gandeiras, aplicárselle unha bonificación do 50% da cuota integra do imposto.

Corresponderá ó Pleno a declaración de especial interese ou de utilidade municipal, previa solicitude dos suxeitos pasivos, debendo contar co voto favorable da maioría simple dos seus membros.

A bonificación terá carácter rogado, debendo ser presentada polo suxeito pasivo, e surtirá efectos a partir do período impositivo seguinte ó da resolución de dita solicitude.

Para poder gozar desta bonificación, os interesados deberá presentar a seguinte documentación:

- Certificado de Facenda no que conste a situación censal do titular da actividade, que pode coincidir ou non co suxeito pasivo.
- Acreditación da titularidade catastral do inmoble.
- Certificado de que o suxeito pasivo non ten débedas coa Facenda estatal, autonómica e local nin coa Seguridade Social.
- Xustificante do recoñecemento de explotación ou licenza de actividade correspondente.

O concello realizará de oficio todas as actuacións precisas para a comprobación dos extremos expostos ó respecto desta bonificación.

Os obrigados tributarios deberán comunicar no concello calquera modificación relevante das condicións ou requisitos esixibles para a aplicación do beneficio fiscal. O órgano competente poderá declarar, previa audiencia do obrigado tributario por un prazo de 10 días, contados a partir da notificación da apertura de dito prazo, se procede ou non a continuación da aplicación do beneficio fiscal. De igual xeito se procederá cando a Administración coñeza por calquera medio a modificación das condicións ou os requisitos para a aplicación do beneficio fiscal."

Barreiros, 27 de xullo de 2016.-O Alcalde, J. Alfonso Fuente Parga

R. 2392

A FONSAGRADA

Anuncio

DECRETO DE ALCALDÍA NÚM. /2016

Considerando que corresponde aos Tenentes de Alcalde, en canto tales, substituír na totalidade das súas funcións e pola orde do seu nomeamento, ao Alcalde, nos casos de ausencia, enfermidade ou impedimento que imposibilite a este para o exercicio das súas atribucións, así como desempeñar as funcións do Alcalde nos supostos de vacante na Alcaldía ata que tome posesión o novo Alcalde.

Considerando que o Sr. Alcalde atoparase ausente do Municipio durante 12 días. Por todo iso, en virtude do disposto nos artigos 23.3 da Lei 7/1985, de 2 de abril, Reguladora das Bases do Réxime Local, e de acordo cos artigos 44 e 47 do Regulamento de Organización, Funcionamento e Réxime Xurídico das Entidades Locais, aprobado por Real Decreto 2568/1986, de 28 de novembro,

RESOLVO

PRIMEIRO. Delegar en D. José Ángel Fernández Carrín, Primeiro Tenente de Alcalde, a totalidade das funcións da Alcaldía, nos termos do artigo 23.3 Lei 7/1985, de 2 de abril, Reguladora das Bases do Réxime Local, durante o período de 12 días, entre o día 10.08.2016 ao 21.08.2016.

SEGUNDO. A delegación comprende as facultades de dirección e de xestión, así como a de resolver os procedementos administrativos oportunos mediante a adopción de actos administrativos que afecten a terceiros.

TERCEIRO. O órgano delegado informará a esta Alcaldía, a posteriori, e, en todo caso, cando se lle requira para iso, da xestión realizada e das disposicións ditadas no período de referencia, e con carácter previo daquelhas decisións de transcendencia, tal e como se prevé na o artigo 115 do Real Decreto 2568/1986, de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais.

CUARTO. A delegación conferida no presente Decreto requirirá para a súa eficacia a aceptación do órgano delegado, entendéndose esta outorgada tacitamente se non se formula ante esta Alcaldía expressa manifestación de non aceptación da delegación no termo de tres días hábiles contados desde o seguinte a aquel en que lle sexa notificada esta resolución.

QUINTO. A presente resolución será publicada no Boletín Oficial da Provincia, dándose conta do seu contido ao Pleno da Corporación na primeira sesión que esta celebre.

SEXTO. No non previsto expresamente nesta resolución aplicaranse directamente as previsións da Lei 7/1985, de 2 de abril, Reguladora das Bases do Réxime Local, e do Real Decreto 2568/1986, de 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais, en canto ás regras que para a delegación establecense en devanditas normas.

Mándao e asina o Sr. Alcalde, D. Argelio Fernández Queipo, en A Fonsagrada, a 02 de agosto de 2016, do que, como Secretaria, dou fe.- O alcalde, Argelio Fernández Queipo

R. 2394